



mus. Unde ad determinandum finem, propter quem sic, dici debet: Ego te baptizo, vel baptizatus.

Respondet secundo cum eodem S. Th. in 4. dist. 3. q. 1. a. 2. q. 1. ad 4. quod ad validitatem Baptismi requiritur in Ministro Intentione sciendi id, quod Christus instituit, & Ecclesia facit, quae non requiritur in doctrina: & ideo oportet exprimi omnia, quae determinant intentionem ad actum illum. Et ideo licet in doctrina non requiratur, ut exprimat se docere, sed factus sit, ut de facto doceat, requiritur tamen in Ministro Baptismi, ut exprimat, se baptizare, id est, se velle facere actum illum, ut Christus instituit, & Ecclesia facit.

Vel attendendum (inquit S. Doctor) quod alii actus habent efficaciam ex suo exercitio tantum, sed alii baptizandi habent efficaciam ex forma verborum: & quia talis efficaciam est sacramentalis, ideo oportet, quod verba significant, efficaciam actui praebent, & ideo oportet, baptizantem alium suum verbo significare, quomodo in aliis actibus non reperitur. Accedit quod antiqua Ecclesiae tum Latinae, tum Graecae praxis ita nosse semper docuit: in ut in forma Baptismi actus baptizantis exprimitur.

XIII. Sed contra haec ultima verba innotuit. Si haec fuisset perpetua Ecclesiae praxis, innotuisset omni saeculo: atque hoc non innotuit: ergo &c. Min. probi. Petrus Claromontensis Episcopus, qui circa annum 1150. floruit videns, in sua Diaconia, qui in necessitate articulo baptizabant, nil aliud facere, quam infundere aquam dicendo: In nomine Patris &c. dubius de valore talis Baptismi, consulit per Literas Mauritium Episcopum Parisiensem, & Stephanum Tornacensem Episcopum. Mauritium autem sententia, fuit Baptismus non valere, Stephani autem, valere. Eorum tres Epistolae leguntur, Tomo 3. Bibliotheca Patrum, ergo tunc temporis non erat compertum, hanc formam esse in praxi per universam Ecclesiam.

XIV. Respondet, neg. min. Contrarium enim ostendit S. Gregorius in suo libro Sacram. Ubi in forma Baptismi reperitur haec verba: Ego te baptizo & Euchologia Graecorum a mille, & amplius annis habent: Baptizatur servus Dei &c. Neque de hoc dubitabat Petrus Claromontanus: sed an omnia illius redderet Baptismus invalidum: quod indicat ex Ecclesiae universalis Traditione fuisse notum, Baptismus sic esse conferendum: alius dubius de illius valore Petrus non fuisse, nec Mauritius in sua responsione adeo constanter respondisset: in qua modum forma Baptismi tradidit, & accipi debet, Scripturam, & Apostolorum auctoritate, & SS. Patrum testimoniis habemus, in hoc modum scilicet: Ego te baptizo in nomine Patris &c. Et tamen est verborum visus, ut nihil immutari, nihil innovari oporteat. Nisi vero nota haec verba simul a quocumque, & quocumque lingua profertur, Baptismus esse non creditur.

Neque rationes, quibus Stephanus Tornacensis tueri nititur oppositum, sunt gravis momenti. Non quidem prima, quam his verbis asserit: Nondum legit baptizantes eos, & dicitur: Ego te baptizo in nomine Patris &c. Hoc enim argumentum est negativum: quod nullius roboris est, quando maxime Ecclesiae Traditio oppositum sua praxi demonstrat.

Neque urget secunda ratio, quam ex eo petit, quod Innocentius I. & S. Augustinus agentes de Baptismo haereticorum dicant, illum esse validum dummodo fuerint baptizati sub expressa invocatione trium personarum Sanctissimae Trinitatis: nec unquam meminerunt huius particulae Baptizo te. Nam in primis Innocentius, & Augustinus loquuntur de verbis, quibus Baptismus conferatur: haec autem sola sunt verba experientia Trinitatem: verbum enim Te baptizo, solum ponitur ad exprimentum actum Ministri. Huius autem ideo non meminerunt, quia Haereticorum error non in hoc situs erat, quod omiserint his voces Baptizo te: has enim omnes ex Instituto Christi proferebant: sed in hoc, quia plures circa de hoc solliciti erant Augustinus, & Patres. Sed quid moror? Alexander enim III. qui eodem saeculo defunctus fuit, dubium omne circa hoc sustulit Decretali, supra a nobis relata, statuit: quod si quis puerum in aqua immerferit in nomine Patris, & Filii, & Spiritus Sancti, amen, & non dixerit: Ego te baptizo in nomine Patris &c. Non est puer baptizatus. Quare in hoc laudare non possum P. Juenin, qui hanc difficultatem sibi proponit, & quasi anceps insolitam relinquit.

XV. Objicies tertio, & quasi anceps insolitam relinquit, puta, si sic furdus, ut puer frustra autem ad tales sermo dirigitur, cum Ecclesiastici 32. dicitur: Ubi non est auditus ne effundat sermonem, ergo &c.

Respondet S. Th. art. 5. citato ad 3. Quod verba, qua profertur in formis sacramentorum, non pronuntiantur solum causa significandi, sed etiam causa efficiendi: in quantum habent efficaciam ab illo verbo, per quod facta sunt omnia. Et ideo convenienter dirigitur non solum ad homines non intelligentes, sed etiam ad creaturas insensibiles: ut cum dicitur: Exorcizo te creatura salis.

DUBIUM VII.

An in Baptismo necessaria sit Expressio Trium Personarum Sanctissimae Trinitatis.

S. I.

Error circa hoc.

I. Primis Ecclesiae saeculis quodam haereticis, ignoti nominis, in tribus principis, ac in tribus Filiis, & in tribus Paraclisis Catechumenos baptizasse, apparet ex Can. 49.

Apostolico, in quo damnantur. Quem errorem saeculo sexto nondum penitus extinctum damnavit quodam Vigilus Papa, Epist. 2. c. 6. scribens: Si quis Episcopus, aut Presbyter iusta praecipum Domini non baptizaverit in nomine Patris, & Filii, & Spiritus Sancti: sed in una persona Trinitatis, aut in duobus, aut in tribus Paribus, aut in tribus Filiis, aut in tribus Paraclisis: precipitur de Ecclesia Dei.

II. Marcite a Marco Valentini discipulo, teste Ireneo, l. 1. Adversus haeres. c. 21. alias 18. baptizandos ad aquas ducebant, dicentes: In nomine ignoti Patris omnium, in veritate matris omnium, & in nomine descendente Iesu ad unitionem, & redemptionem. & communionem vitam. Hanc eandem Marcitarum insipientiam refert Theodoretus, lib. 1. Haeretic. fabularum.

III. Paulianistae a Paulo Samofateno, qui personas in SS. Trinitate non distinguebant, vana quadam, ac irrita in baptizandum forma utebantur: quapropter ab eis baptizati, iterum baptizari iussi sunt Can. 19. Synodi Nicanae Primae, Item in Can. 8. Concilii Laodiceni Cathaphryga (Montani quaedam species in Phrygia) rebaptizari iubentur. Quod confirmavit Conc. Constantinopolitanum 1. Can. 7. his verbis: Monianistae, quos nunc Phrygas dicimus, ut paganos recipimus. Hos verissime est Baptismus contulisse: ut in nomine Patris, & Filii, & Montani, quem Paraclitum esse dicebant. Quod colligo ex S. Greg. Magno, l. 9. Epist. Ep. 61. (modo l. 11. Epist. 67.) ad Quiricum Episcopum dicens: Hi haeretic, qui in Trinitate nominis minima baptizantur, sicut Iun. Bonifacii, & Cathaphryga: quia & illi Christum Dominum non credunt, & isti Spiritum sanctum per seipsum sensu esse primum quendam hominem Montianum credunt. Cum ad sanctam Ecclesiam veniant, rebaptizantur.

IV. Photinianos quae in forma Baptismi errasse, ostendunt verba Concilii Arelatensis 2. Can. 16. Photinianos, & Paulianistas secundum Patrum sacra baptizari oportet. De Arianis etiam quibusdam fertur, haec formula baptizasse Ego te baptizo in nomine Patris per Filium (quasi instrumentum & creaturam) in Spiritu Sancto: Eunomianos etiam in forma Baptismi Trinitatis personas non expresse, notat Theodoretus, l. 4. Haeretic. fab. c. 3. de Eunomio scribens: Idem sancti etiam Baptismatis legem aliam a Domino, & Apostoli traditam operantur, & contrarium sanxerunt: non oportere dicens, eos illum immergere, qui baptizatur, nec invocare Trinitatem, sed solum baptizare in Christi nomine.

V. Apud Modernos haereticos Lutheranos, Zuinglianos, Calvinistas &c. servatur quidem forma Evangelica: unde ex iis ad Ecclesiam Catholicam venientes non rebaptizantur. Sed Lutherus, l. de Capt. Babylon. cap. de Baptismo, Valere dixit Baptisma quibuscumque verbis conferatur: modo tamen non in nomine hominis, sed in nomine Domini dicit, ut recipiatur: ita ut si baptizans in nomine Demoni conferret, & baptizatus in nomine Domini reciperet, valeret Baptismus. Zuinglius vero, in libro de Vera, & falsa religione, dicit, certam verborum prolationem non requiri, ut sacramentum valide conferatur.

S. II.

Resolutio Dubii.

VI. Circa necessitatem expressionis omnium trium personarum in collatione Baptismi ad ejus validitatem, etiam Magister enim sententiarum censuit, unius tantum e personis Trinitatis invocationem satis esse ad valorem Baptismi. Ita, in 4. sent. dist. 3. Littera E. S. Th. admittit, ut probabile, solus Christi baptizans: quo Christi nomine, quod tunc apud Hebraeos odio erat, honor conciliaretur. Sic 3. p. q. 66. a. 6. ad 1. Cajetanus vero scripsit, hinc quoque temporibus validum fore Baptisma, si in nomine solius Christi, ommissis aliis personis, conferretur.

VII. Dico. Invocatio trium personarum SS. Trinitatis expressa adeo necessaria est ad valorem Baptismi: ut si conferatur cum expressione unius tantum, et etiam solius Christi, Baptismus nullus sit. Probo ratione S. Thomae contra Mag. sent. & Cajetanum: Sacramenta habent efficaciam ad institutionem Christi: ergo si praetermittatur aliquis effectus, qui Christi instituit circa aliquod sacramentum, efficaciam caret, & nisi ex specialis dispensationis causa, qui virtutem suam sacramentum non aligavit: sed Christus instituit, sacramentum Baptismi dari cum invocatione Trinitatis: ergo quidquid deest ad plenam invocationem Trinitatis, tollit integritatem Baptismi.

Nec obstat (inquit S. D.) quod in nomine unius personae intelligitur alia (sicut in nomine Patris intelligitur Filius) aut quod ille, qui nominat unam solam personam, potest habere reatum scilicet de tribus: quia sicut ad sacramentum veniunt materia sensibilibus, ita & forma sensibilibus. Unde non sufficit intelligi, vel scire Trinitatis ad perfectionem sacramenti, nisi sensibilibus verbis Trinitatis exprimat. Unde & in Baptismo Christi, ubi origo sanctificationis nostri Baptismi, affuit Trinitatis in sensibilibus signis: scilicet, Pater in voce, Filius in humana natura, Spiritus Sanctus in columba.

VIII. Adferre insuper S. Th. in arg. Sed contra, auctoritatem pelagii Papae relati c. Si revera, de Consecr. dist. 4. qui scribens Gaudentio Episcopo, ait: Si hi, qui in locis distantibus tunc vicinis commemorari dicuntur, sed solummodo in nomine Domini baptizati fuisse constentur, sine cuiuscumque dubitatione ambiguo, ut ad fidem catholicam venientes, in sancta Trinitate nomine baptizantur. Ubi Pelagius pro eodem accepit in nomine Domini, ac in nomine Christi. Tum quia: nemo unquam legitur usus in ba-

pizando hac formula: In nomine Domini. Tum quia: idem Pontifex in eodem decreto de illis loquitur, de quibus dicit, multi sunt, qui in nomine solummodo Christi se afferunt baptizari.

IX. Ad haec si bene attendere Cajetanus, non dissilet, etiam hinc temporibus validum fore Baptismus in solius Christi invocatione collatum. Circa enim validitatem sacramentorum, debemus discutere fecundum Christi institutionem, perentiam Ecclesiae Traditionem, & Patrum consensum: nisi appareat aliqua dispensatio a Deo: atque secundum Christi institutionem, Ecclesiae perpetuam Traditionem, & Patrum consensum ad valorem Baptismi requiritur expressa trium personarum Trinitatis invocatio: nulla legitur facta a Deo dispensatio: ergo &c. min. quantum ad Christi institutionem, apparet ex Christi verbis Mark. 16. v. 19. quibus trium personarum Trinitatis expressam invocationem Apostolus, eorumque in Baptismi administratione successores praecipit, dicens: Baptizantes eos in nomine Patris, & Filii, & Spiritus Sancti.

Quantum vero ad perpetuam Traditionem Ecclesiae & Patrum, testes sunt Ireneus, qui, ut s. praecedente observavimus, Marcelforum Baptisma rejicit: eo quod Trinitatis personas non exprimerent. Tertullianus, qui, lib. de Baptismo, c. 6. dicit primo: Catechumenos, dum baptizarentur, solitos fuisse edere professionem fidei in Patrem, Filium, & Spiritum Sanctum. Secundo: hanc fidem in Baptismo, Patris, Filii, & Spiritus Sancti invocatione obligari.

Concilium Arelat. l. anno 314. in causis Donatistarum habitum dilucide praecipit, Can. 8. de haeretico ad fidem catholicam redeunte, ut interrogetur: an in trinum personarum invocatione extra Ecclesiam baptizatus fuerit? Quod si praeteriderit, in Patre, & Filio, & Spiritu Sancto est baptizatum, manus ei tantum imponitur, ut accipiat Spiritum Sanctum. Quod si interrogatus, non responderit haec Trinitatem baptizatum: Ergo hinc Synodus Baptismus sancti datus non fuit. Unde Augustinus, l. 6. de Baptismo contra Donat. c. 15. Qui respicit (inquit) non esse Baptismus Christi, si verba evangelica, quibus Symbolum consistit, illic deservit? Sed facilius invenitur haeretic, qui omnia non baptizans, quam qui non illis verbis baptizans. Quenam autem sint evangelica verba, l. 3. de Bapt. contra Donat. c. 15. aperit his verbis: Si Evangelica verba: In nomine Patris, & Filii, & Spiritus Sancti, Marcion Baptisma conferat, integrum erit sacramentum.

X. Innocentius I. quarto saeculo defunctus, Epist. ad Macedoniam Episcopum c. 5. idem Concilium Nicenum iussit, ut iteraretur Baptisma a Paulianistis datum, non autem datum a Novatianis, quia illi in nomine Patris, & Filii, & Spiritus Sancti suos Catechumenos non abluerunt: hi vero inter baptizandum his sanctissimis nominibus uterentur.

Denum scriptores, qui a sexto saeculo usque ad praesens de forme Baptismi Traditioe (si Magister sent. & Cajetanum excipias) praefate erant obsequentes, trium personarum Trinitatis expressam, ac distinctam invocationem ad valorem Baptismi necessariam esse agnoverunt: sequentes S. Gregorium Magnum in suo Sacramentario, & lib. 9. Epistol. Epist. 61. ad Quiricum, ut superius retulimus. Quae omnia confirmant Saeculo XV. Eugenius IV. in Decreto Aemmanum, & Saeculo XVI. Tridentinum, sess. 7. de Bapt. Can. 4.

Non inuito autem a Deo dispensatum, ut aliter Baptisma conferretur, apparet: quia huius dispensationis nullum monumentum asseri potest, excepto tempore Apostolorum, de quo infra.

S. III.

Solutio Objectionum.

XI. Primo objici potest. In nomine unius personae intelligitur alia, & qui unam exprimit, habere potest fidem de aliis: ergo qui in nomine unius tantum personae baptizatur, baptizatur in nomine omnium, & proinde validus. Sed ad hoc respondimus, §. praeced. cum S. Thom. Videatur ibi dicta.

XII. Secundo objicitur S. Ambrosius, qui l. 1. de Spiritu Sancto, c. 3. asserit, Epinuchum Regine Candacis baptismum in Christo, integrum sacramentum, verumque illius effectum consecutum fuisse: Deoque (inquit) & Ethiope Candacis Regina baptizata in Christo, plenum mysterium consecutus est. Objectioni autem, quae hinc poterat ex omissione aliarum Trinitatis personarum, occurrere dicens: Si unum in sermone comprehendat, aut Patrem, aut Filium, aut Spiritum Sanctum, plenum est fidei sacramentum. Et subinde ostendens, fore etiam validum Baptismus in Spiritu Sancto tantum (sicut est in Christo) collatum, dicit: Qui unum dicitur, Trinitatem significavit. Si Christum dicas, & Deum Patrem, a quo unctus est Filius, & ipsum, qui unctus est, Filium, & Spiritum, qui unctus est, descriptus, ergo Ambrosio probatus erit baptismus in una tantum Trinitatis persona collatum.

XIII. Responderi potest primo. S. Ambrosium locutum fuisse solum de Baptismo collato tempore Apostolorum (loquitur enim de Baptismo Eunuchi Regine Candacis) qui probabiliter collatus fuit in solius Christi nomine, ut infra dicetur.

Respondet secundo, S. Ambrosium ibi non loqui de Baptismo, quantum ad essentiam: ut qua requiritur, ut essentialem, formalem expressam trium personarum invocationem asserimus: sed loqui de effectu sacramenti. Hic enim est aliquando una personae tributur, ab hac tamen ita procedit, Ceteri Theol. Tom. III.

ut etiam procedat ab aliis: quia operationes ad extra sunt toti Trinitati communes, ut fert Theologorum aeterna. Porro, hanc esse suam mentem exprimit S. Ambrosius his verbis: Ubi operatio aliqua divina, aut Patris, aut Filii, aut Spiritus Sancti, non solum ad Sanctum Spiritum, sed etiam ad Patrem refertur, & Filium: nec solum ad Patrem, sed etiam ad Filium refertur, & Spiritum. Et huius principii veritatem ostendit in Baptismo Eunuchi Candacis Reginae, qui licet fuerit baptizatus in Christo, id est, justificatus a Christo Baptismi initiatore, seu operatione Christi: non sic tamen ab eo justificatus fuit, quin illa operatio esset etiam Patris, & Spiritus Sancti.

XIV. Objicies tertio, Nicolaus I. Cap. A quodam, de Consecr. dist. 4. consultus de multis a quodam Iudaeo baptizatis, respondit: Qui in nomine S. Trinitatis, vel tantum in nomine Christi, sicut in Actibus Apostolorum legitur, baptizati sunt (unum quippe, idemque est, ut Sanctus ait Ambrosius) rebaptizari non debent, ergo &c.

XV. Respondet, Nicolaum in illo responso duo dicere: unum ex professo, de quo a Bulgaris consultus fuerat: aliud obiter. Consultus autem fuerat, non, an valeret Baptismus solus Christi invocatione collatus: sed an valeret Baptismus Iudaeo datus. Camque responsa Pontificum in Ius non transeant quantum ad id, quod obiter tangunt: sed solum quantum ad id, quod ex professo struunt: ideo ex dicto colligi debet, Baptismus, sic a Iudaeo datum, valere. Quod autem valet, est collatum solius Christi invocatione: particularis ferentia fuit: Nicolaus non ut Pontifex, sed ut privati Doctoris, quam ipse putavit esse Ambrosii: ideoque non tanti ponderis esse debet, ut communem Ecclesiae, & Patrum sententiam oppositam afferentium, Baptisma collatum in solius Christi nomine non valere, quidquid sit, in tempore Apostolorum validum fuerit, valeat infirmare. Eo vel maxime, quod extant Decreta contraria: tum Pelagii Papae supra relati: tum Zachariae de Consecratione, dist. 4. cap. In Synodo. Ubi probans decretum eujusdam Concilii Anglicani: ait: quod si quis unam de Trinitate personarum in Baptismo non nominavit, illud Baptisma verum est, non potest: ad quae Nicolaus forte non respexit, quia sub oculis non habuit.

XVI. Objicies quarto, S. Bern. Epist. 340. modo 403. ad Henricum Archiepiscopum, expresse dicit, valere Baptismus collatum in nomine Dei, sanctae, ac verae Crucis. Eo quia in nomine Dei unum expresse substantiam Trinitatis. Neque enim unum iuxta communem Ecclesiae constitutionem dicimus: in nomine Patris, & Filii, & Spiritus Sancti, aliud intelligendum est, quam in Confessione Trinitatis. Legimus sane in Actibus Apostolorum, non modo: In nomine Patris, & Filii, & Spiritus Sancti, verum & in nomine Domini Iesu Christi aliquos baptizatos.

XVII. Respondent aliqui, Epistolam non esse genuinum S. Bernardi foris sed supposititium. Verum his asserit non possum: maxime quia accuratissimus P. Mabillon in sua editione eam ut genuinam recognoscit, ac se cum probatis codicibus contulisse dicit.

Respondet ergo, S. Bernardum ibi privatam suam opinionem protulisse. Ait enim: Vultis de praescripta questione respondere, sine praescripto tamen sumis respondere. Quod autem Bernardi verba probabiliter erant, hodie non recipitur. Ad id verborum quod subiungit de Baptismo in nomine Christi per Apostolos collato, statim dicemus.

XVIII. Objicies quinto. Constat ex multis Actorum locis Apostolos in nomine Christi Baptismus contulisse. Caput enim 2. vers. 38. Baptizatur (inquit Petrus) unumquisque vestrum in nomine Iesu Christi. c. 8. v. 12. de is, qui Philippo Diacono evangelizanti crederant, dicitur: In nomine Iesu Christi baptizabantur viri, ac mulieres. Cap. 10. v. 48. Gentiles, qui crederant, Petrus iussit eos baptizari in nomine Iesu Christi. Et cap. 19. v. 5. Paulus aliquos, quos Joannes baptizaverat, voluit iterum baptizari, sed unius Christi invocato nomine. Dicitur enim: Et baptizati sunt in nomine Domini Iesu: ergo valet Baptismus in nomine Iesu collatus. Ut rem hanc pro dignitate tractemus, sic

S. IV.

An aliquando Baptismus collatus fuit in solo nomine Iesu, aut Christi?

XIX. Dico. Probabilis est utraque pars. Affirmativam enim visus est probabiliter reputasse S. Thom. motus ex iis, quae ex Actibus Apostolorum recitata sunt: censens, ex speciali dispensatione, Apostolos in nomine solius Christi tunc baptizasse, ut Christi nomen, quod erat odiosum, honorabile, & exultatione dignum Iudaeis, & Gentibus redderetur, si ad solam invocationem ejus daretur remissio peccatorum. Ita 3. p. q. 66. art. 6. ad 1. dicens: Quod ex speciali Christi revelatione Apostoli in primitiva Ecclesia in nomine Christi baptizabant: ut nomen Christi quod erat odiosum Iudaeis, & Gentibus honorabile redderetur per hoc, quod ad ejus invocationem Spiritus Sanctus daretur in Baptismo. Et in 4. dist. 3. o. 1. 2. q. 2. ad 3. Forma (inquit) quae Dominus tradidit, non fuit ab Apostolis mutata quantum ad intellectum: quia in Christi nomine tota Trinitas intelligitur. Sed solum quantum ad vocem: & hoc est, quod quidam dicunt, quod est mutata forma sensibilibus, sed non intelligibilibus: nec hoc ipsum potuissent, nisi ex familiaris consilio Spiritus Sancti. Ratio autem mutationis fuit: ut nomen Christi amabile redderetur, sicut enim unum Baptismus fuerat. Erat etiam Ecclesia tunc infans, si spectare praecipuum a Spiritu Sancto haberet, non autem propria auctoritate: & quia illius mutationis causa fuit conveniens illi tempore, ideo cessante causa cessat effectus. Et modo non esse

